

声律启蒙



经典蒙学文库

声律启蒙

中州古籍出版社

(豫)新登字 05 号

经典蒙学文库·声律启蒙

责任编辑 耿相新

中州古籍出版社出版发行 (郑州市农业路 73 号)

湖南省新华书店发行 长沙鸿发印务实业公司印刷

787×1092 毫米 32 开本 4.2 印张 85 千字

1995 年 5 月第 1 版 1995 年 5 月第 1 次印刷

印数:1—20000 册

ISBN7-5348-1355-7/G·289

全套定价:36.00 元(本册定价:4.20 元)

目 录

声律启蒙撮要.....	(1)
声律发蒙.....	(47)
笠翁对韵.....	(65)
时古对类.....	(111)

卷 上

一 东

云对雨，雪对风。晚照对晴空。来鸿对去燕，宿鸟对鸣虫。三尺剑，六钧弓。岭北对江东。人间清暑殿，天上广寒宫。两岸晓烟杨柳绿，一园春雨杏花红。两鬓风霜，途次早行之客；一蓑烟雨，溪边晚钓之翁。

三尺剑〔汉书〕高祖为黥布流矢所中，医曰：可治。高祖曰：吾提三尺剑取天下，非命乎？命在天，虽扁鹊何益！六钧弓〔左〕定公侵齐，士皆坐列，曰：颜高之弓六钧。皆取而传观之。清暑殿〔洛阳宫殿簿〕内有清暑殿。广寒宫〔明皇杂录〕明皇与申天师中秋夜游月宫，见榜曰广寒清虚之府。

沿对革，异对同。白叟对黄童。江风对海雾，牧子对渔翁。颜巷陋，阮途穷。冀北对辽东。池中濯足水，门外打头风。梁帝讲经同泰寺，汉皇置酒未央宫。尘虑萦心，懒抚七弦绿绮；霜华满鬓，羞看百炼青铜。

黄童白叟〔韩〕黄童白叟，踊跃欢呼。颜巷陋见论语。阮途穷〔晋书〕阮籍率意独驾，车迹所穷，恸哭而返。冀北〔韩〕伯乐一过冀北之野，而马群遂空。冀北，古幽都地。辽东〔广舆记〕辽东，契丹东胡旧地，今号盛京，又曰辽东。濯足〔孺子歌〕沧浪之水浊兮，可以濯

我足。打头风〔韵府群玉〕石尤风，打头逆风也。同泰寺〔梁武帝传〕帝常与高僧讲佛经于同泰寺，时天雨宝花而下。未央宫〔汉书〕高祖天下已定，置酒宴群臣于未央宫，见群臣礼数甚严，高祖乃叹曰：吾今日始知天子之尊也。绿绮卓文君琴名。青铜镜也。欧：素丝悲青铜。曾巩：水面磨青铜。

贫对富，塞对通。野叟对溪童。鬓皤对眉绿，齿皓对唇红。天浩浩，日融融。佩剑对弯弓。半溪流水绿，千树落花红。野渡燕穿杨柳雨，芳池鱼戏芰荷风。女子眉纤，额下现一弯新月；男儿气壮，胸中吐万丈长虹。

皤白也。芰音忌。水果两角为菱，四角为芰。眉月〔鲍昭玩月诗〕始见东南楼，纤纤如玉钩。未映西北墀，娟娟似蛾眉。长虹雨气也。〔记〕气如白虹。

二 冬

春对夏，秋对冬。暮鼓对晨钟。观山对玩水，绿竹对苍松。冯妇虎，叶公龙。舞蝶对鸣蛩。衔泥双紫燕，课蜜几黄蜂。春日园中莺恰恰，秋天塞外雁雍雍。秦岭云横，迢递八千远路；巫山雨洗，嵯峨十二危峰。

冯妇见孟子。叶公〔庄子〕叶公子高好画龙，天龙闻而下窥，叶公惊走。非好龙者，好似龙者也。蛩音穷。本作蜚，一名蟋蟀，一名促织，今通作蛩。雍雍〔诗〕雍雍鸣雁。秦岭〔韩愈诗〕一封朝奏九重天，夕贬潮阳路八千。又一联云：云横秦岭家何在？雪拥蓝关马不

前。巫山〔广舆记〕巫山在夔州府巫山县大江之滨，形如巫字，有二峰。迢递远也。嵯峨山高貌。

明对暗，淡对浓。上智对中庸。镜奁对衣笥，野杵对村舂。花灼灼，草蒙茸。九夏对三冬。台高名戏马，斋小号蟠龙。手擘蟹螯从毕卓，身披鹤氅自王恭。五老峰高，秀插云霄如玉笔；三姑石大，响传风雨若金镛。奁音廉。笥音肆。茸音戎。螯音翱。氅音厂。

奁镜也。笥衣箱。杵用以捣物者。舂碓也。灼灼光皎貌。蒙茸草乱貌。〔苏子后赤壁赋〕披蒙茸。戏马〔南齐书〕宋武帝在彭城，九日游项羽戏马台。蟠龙〔晋书〕初，桓温起斋，画龙于上，号蟠龙斋。后桓玄篡晋，刘毅起兵讨玄，至是居之，盖毅小字蟠龙。蟹螯〔世说〕晋毕卓嗜酒，语人曰：左手擘蟹螯，右手执酒杯，乐足一生矣。鹤氅〔晋书〕王恭尝披鹤氅行雪中，孟昶见曰：此真神仙中人也。五老峰〔地舆记〕庐山有五老峰，秀插云霄。李青莲诗：五老峰为笔，洋澜作砚池。三姑石〔地舆志〕南康有三姑石，响声若金镛。

仁对义，让对恭。禹舜对羲农。雪花对云叶，芍药对芙蓉。陈后主，汉中宗。绣虎对雕龙。柳塘风淡淡，花圃月浓浓。春日正宜朝看蝶，秋风那更夜闻蛩。战士邀功，必借干戈成勇武；逸民适志，须凭诗酒养疏慵。蛩音穷。慵音庸。

雪花〔坡公咏雪诗〕天巧能开顷刻花。云叶〔史记〕黄帝与蚩尤战于涿鹿之野。常有五色云止于帝上，金枝玉叶，有花之象。陈后主〔纲鉴〕后主叔宝，字元秀。在位七年为隋灭。汉中宗〔纲鉴〕讳询，

武帝曾孙，在位二十五年，崩，谥宣帝。绣虎〔魏志〕曹植七步成章，人号绣虎。雕龙〔梁书〕刘勰字彦和，撰文心雕龙十五篇，论古今文体，沈约善之。慵懒也。

三 江

楼对阁，户对窗。巨海对长江。蓉裳对蕙帐，玉笋对银红。青布幔，碧油幢。宝剑对金缸。忠心安社稷，利口覆家邦。世祖中兴延马武，桀王失道杀龙逢。秋雨潇潇，熳烂黄花都满径；春风裊裊，扶疏绿竹正盈窗。笋音贾。缸、缸俱音刚。幔音漫。幢音窗。逢音庞。裊音鸟。

蓉裳〔楚辞〕集芙蓉以为裳。蕙帐〔北山移文〕蕙帐空兮夜鹤怨。笋酒器。〔诗〕洗爵奠笋。缸灯也。幔帐也。碧油幢军幕也。金缸一作玦。〔汉书〕醢酱干玦。注：长颈瓮。荆公：岂惟闲伴倒金缸。马武〔汉书〕马武，字子张。仕后汉，鸣剑抵掌，从光武破王寻，击郡贼，列名云台。龙逢〔纲鉴〕夏桀失道，龙逢直谏，遂见杀。

旌对旆，盖对幢。故国对他邦。千山对万水，九泽对三江。山岌岌，水淙淙。鼓振对钟撞。清风生酒舍，皓月照书窗。阵上倒戈辛纣战，道旁系剑子婴降。夏日池塘，出没浴波鸥对对；春风帘幕，往来营垒燕双双。淙音庄〔丛〕。岌音及。撞音庄。

杂泽〔广輿记〕吴越之间具区：楚云梦，秦杨纡，晋大陆，郑圃田，宋孟诸，齐海隅，燕巨鹿，并昭余祁，为九藪。藪即泽也。三江

〔禹贡〕三江既入。蔡沈注：三江在震泽下分流，东北入海为娄江，东南入海为东江，并松江为三江。韵府：三江乃钱塘、扬子、松江。一云松江、钱塘、浦阳，一云在苏州。倒戈〔武成〕前徒倒戈。盖纣士卒无心敌武王而倒其戈也。系剑〔纲鉴〕汉刘邦元年冬月，王子婴素车白马系剑于道旁以降。婴，始皇孙也。垒燕巢也。

铎对钹，只对双。华岳对湘江。朝车对禁鼓，宿火对寒缸。青琐闼，碧纱窗。汉社对周邦。笙箫鸣细细，钟鼓响摐摐。主簿栖鸾名有览，治中展骥姓惟庞。苏武牧羊，雪屡餐于北海；庄周活鲋，水必决于西江。

华岳〔广舆记〕西岳华山，在陕西西安府华阴县。湘江〔广舆记〕潇湘、蒸湘、湘源为三湘。禁宫禁。青琐〔后志〕给事黄门侍郎掌青琐，户边琐镂刻为连琐文而涂青也。闼，宫门。栖鸾〔汉书〕仇览字季智，又名香。先为蒲县亭长，后为主簿。王涣曰：枳棘非鸾凤所栖。展骥〔蜀志〕庞统字士元。初令耒阳，不治。鲁肃荐于先主曰：士元非百里才，使处治中别驾间，乃得展其骥足。按治中、别驾，皆府佐名。牧羊〔汉书〕苏武陷匈奴，不降。乃牧羊北海，单于置武于雪中，不与饮食，武卧啮雪，毡毛并啖之。活鲋〔庄子〕市轍中鱼曰：岂无升斗之水活我乎？庄子曰：待我决西江之水而活汝。

四 支

茶对酒，赋对诗。燕子对莺儿。栽花对种竹，落絮对游丝。四目颡，一足夔。鸬鹚对鹭鸕。半池红菡萏，一架白茶蘼。几阵秋风能应

候，一犁春雨甚知时。智伯恩深，国士吞变形之炭；羊公德大，邑人竖堕泪之碑。颡音结。鹁音鹁。鹁音谷。菡音憺。菡音坦。

四目〔姓氏谱〕苍颡，上古人，生而神圣，有四目。一足〔孔丛子〕鲁哀公向孔子曰：吾闻夔一足，有异于人，信乎？子曰：昔重犁举夔而进，欲求人佐焉。舜曰：一夔足矣。非言止一足也。公曰：善。鹁鹁〔左〕鹁鹁来巢。按：今八哥鸟。菡菡〔诗〕有蒲菡菡。注：菡菡，荷花也。茶蘼〔清异录〕茶蘼曰白蔓郎，以开白花也。吞炭〔史记〕赵襄子杀知伯，豫让欲为主报仇，乃吞炭漆身，使襄子不备。堕泪〔晋书〕羊祜字叔子，武帝时镇荆州，甚得民心。死葬岘山，百姓望其碑辄流涕，时人称为堕泪碑。

行对止，速对迟。舞剑对围棋。花笺对草字，竹简对毛锥。汾水鼎，岘山碑。虎豹对熊罴。花开红锦绣，水漾碧琉璃。去妇因探邻舍枣，出妻为种后园葵。笛韵和谐，仙管恰从云里降；橹声咿轧，渔舟正向雪中移。咿音依。轧音亚。

毛锥〔五代史〕张肇曰：安朝廷，定祸乱，直须大剑长枪，若毛锥子奚用哉？毛锥子谓笔也。汾水鼎〔纲鉴〕汉武帝得宝鼎于汾水，改元元鼎元年。岘山碑见前。探枣〔汉书〕王吉东家枣垂吉庭，吉妇探取以啖吉，吉知之，逐去其妇。东家闻之，欲伐树，乡里止之，请吉还妇。拔葵〔古事苑〕公仪休相鲁，食于舍，茹葵而美，且见妻织布，曰：欲夺园夫红女之利乎？因拔园葵，出其妻。橹所以行舟者。咿轧橹声。

戈对甲，鼓对旗。紫燕对黄鹁。梅酸对李

苦，青眼对白眉。三弄笛，一围横。雨打对风吹。海棠春睡早，杨柳昼眠迟。张骏曾为槐树赋，杜陵不作海棠诗。晋士特奇，可比一斑之豹；唐儒博识，堪为五总之龟。

青眼〔晋书〕阮籍能为青白眼，对礼法之士以白眼，惟嵇康造之，乃见青眼。**白眉**〔蜀志〕马良字季常，眉有白毫，弟兄五人皆有才名，并以常为字。谚曰：马氏五常，白眉最良。**海棠睡**〔太真外传〕杨太真初睡起，明皇笑曰，海棠春睡未足耶？**柳眠**〔三辅故事〕汉苑有柳如人，名人柳，一日三眠三起。**槐树赋**〔凉录〕初，河右无柳，张骏之取于秦陇，植之皆死，独酒泉宫西北隅有槐生焉，因著槐树赋。**海棠诗**〔王禹偁诗话〕杜陵无海棠诗，以母名海棠也。陆放翁云：老杜不应无海棠诗，意必失传耳。**一斑豹**〔晋书〕王子猷数岁，门生辈曰：此郎管中窥豹，时见一斑。**五总龟**〔唐书〕殷践猷传通经籍，号五总龟。

五 微

来对往，密对稀。燕舞对莺飞。风清对月朗，露重对烟微。霜菊瘦，雨梅肥。客路对渔矶。晚霞舒锦绣，朝露缀珠玑。夏暑客思欹石枕，秋寒妇念寄边衣。春水才深，青草岸边渔父去；夕阳半落，绿莎原上牧童归。欹音欺。莎音梭。

边衣〔按〕汉唐以来四边多事，故从征者众。当秋寒，妇念其夫，则寄征衣。

宽对猛，是对非。服美对乘肥。珊瑚对玳瑁，

锦绣对珠玑。桃灼灼，柳依依。绿暗对红稀。
窗前莺并语，帘外燕双飞。汉致太平三尺剑，
周臻大定一戎衣。吟成赏月之诗，只愁月堕；
斟满送春之酒，惟憾春归。

灼灼〔诗〕灼灼其华。依依〔诗〕杨柳依依。三尺剑见前，戎衣〔武成〕一戎衣天下大定。

声对色，饱对饥。虎节对龙旗。杨花对桂叶，
白简对朱衣。虬也吠，燕于飞。荡荡对巍巍。
春暄资日气，秋冷借霜威。出使振威冯奉世，
治民异等尹翁归。燕我弟兄，载咏棠棠韡韡；
命伊将帅，为歌杨柳依依。虬音忙。韡音委。

虎节节，所以示信者。〔周礼〕山国用虎。注：山多虎，故铸虎于节。龙旗〔诗〕龙旗十乘。白简〔晋书〕传性急，每有奏劾，或值日暮，捧白简坐以待旦。朱衣〔欧阳公诗〕文章自古无凭据，惟愿朱衣一点头。昔公知贡举，每阅卷，觉旁有朱衣人点头，然后入格。虬吠〔诗〕无使虬也吠。虬，犬也。燕飞〔诗〕燕燕于飞。冯奉世〔汉书〕冯奉世持节使西域，拔破莎车，要功万里之外，赐关内侯。尹翁归〔汉书〕尹翁归守东海，后迁扶风守，其治民，凡赏善，刑奸，除盗，息课，各异其等。棠棠〔诗〕棠棠之华，鄂不韡韡。乃燕兄弟之诗。杨柳〔诗〕杨柳依依。乃遣戍役之诗。

六 鱼

无对有，实对虚。作赋对观书。绿窗对朱

户，宝马对香车。伯乐马，浩然驴。弋雁对求鱼。分金齐鲍叔，奉璧蔺相如。掷地金声孙绰赋，回文锦字窦滔书。未遇殷宗，胥靡困傅岩之筑；既逢周后，太公舍渭水之渔。蔺音吝。绰音勺。

宝马以珠宝之类饰马勒。**香车**〔魏志〕武帝答杨彪书曰：今赠足下以四望通幰七香车二乘。**伯乐**〔注〕见前冀北下。**浩然驴**〔韵府〕孟浩然尝于灞水冒雪骑驴寻梅花，曰：吾诗思在风雪中驴子背上。**弋雁**〔诗〕弋岛与雁。**求鱼**〔孟子〕缘木求鱼。**分金**〔史记〕管仲曰：昔与鲍叔贾，分财我多取，鲍叔不以为贫，知我贫也。**奉璧**〔列国传〕赵得和氏之璧，秦欲以十五城易之。蔺相如奉璧入秦，见秦无意偿城，乃怒发冲冠，完璧归赵。**窦滔**〔齐书〕苏蕙字若兰，窦滔之妻也。滔镇襄阳，携庞妾往，苏织锦成回文诗三首寄滔，后情如初。**傅岩**殷高宗梦傅说，乃图其形旁求天下，适说以胥靡筑于岩，其形惟肖，爰立作相。胥靡，刑名，联系相随服役。**渭水**太公钓鱼于渭，文王遇之，与之同载后车。

终对始，疾对徐。短褐对华裾。六朝对三国，天禄对石渠。千字策，八行书。有若对相如。花残无戏蝶，藻密有潜鱼。落叶舞风高复下，小荷浮水卷还舒。爱见人长，共服宣尼休假盖；恐彰已吝，谁知阮裕竟焚车。褐音合。渠音劬。

六朝〔历代都会考〕吴始都于建业，后东晋、宋、齐、梁、陈皆都焉，号六朝。**三国**蜀、魏、吴。**天禄**〔汉书〕刘向校书天禄阁。**石渠**〔汉书〕萧何建石渠以藏图籍，后成帝用以藏秘书。**千字策**〔文献通

考〕唐临轩试以诗赋，至宋始定策试之制，限以千字。**八行书**〔孟浩然诗〕家书寄八行。盖本马融寄窦尚书，内有两纸八行语耳。**有若孔子弟子**。**相如**蔺相如，战国人。又司马相如，东汉人。**假盖**〔家语〕孔子将出而雨，门人曰：商有盖，请假焉。子曰：商为人短于财，吾闻与人交者，推长而违短，故久。吾非不知商有盖，恐不借而彰其过也。**焚车**〔晋书〕阮裕字思旷，有好车，借无不给。有人葬母，意欲借而不敢言，裕闻之叹曰：吾有车而使人不敢借，何以车为！遂焚之。

麟对凤，鳖对鱼。内史对中书。犁锄对耒耜，畎浍对郊墟。犀角带，象牙梳。驷马对安车。青衣能报赦，黄耳解传书。庭畔有人持短剑，门前无客曳长裾。波浪拍船，骇舟人之水宿；峰峦绕舍，乐隐者之山居。曳音叶。裾音居。

内史即舍人官。〔东坡谢中书舍人表〕右史记言，已尘高选；西垣视草，复玷近班。**中书**〔广事类赋〕唐侍中书令，乃真宰相，以他官忝长者无定。**畎浍**〔周礼地官〕千夫有浍。注：浍，广二寻，深二仞。**墟**村墟。**犀带**大明诸司职掌朝服革带，二品用犀角。**牙梳**〔唐〕崔徽嘲妓李端端诗：爱把象牙梳掠鬓，昆仑顶上月初生。**青衣**〔白帖〕苻坚屏人作赦文，有蝇入室，驱之复来。俄而人知有赦，诘其所得，皆云有青衣人呼于市。坚曰：是前青蝇也。**黄耳**〔述异记〕陆机在洛阳，有犬名黄耳，能寄书抵家。**短剑**〔列国传〕燕丹使荆轲刺秦王，假为献图，图中藏药匕首，秦王觉，乃惊走。匕首，短剑也。**长裾**〔国策〕邹阳书曰：使臣饰固陋之心，向王之门，而不可曳长裾乎。

七 虞

金对玉，宝对珠。玉兔对金乌。孤舟对短棹，一雁对双凫。横醉眼，捻吟须。白头朱。秋霜多过雁，夜月有啼乌。日暖园林花易赏，雪寒村舍酒难沽。人处岭南，善探巨象口中齿；客居江右，偶夸骊龙颌下珠。捻音仄。骊音犁。

玉兔〔楚辞〕顾兔在腹。谓月中有玉兔。金乌〔淮南子〕日中有踞乌，谓有三足金乌也。棹舟也。醉眼〔陆放翁诗〕三万里天供醉眼。吟须〔卢廷逊诗〕吟成一个字，捻断数茎须。李白号青莲，唐诗人。杨朱老子弟子。过雁〔续坐客挥犀〕北方有白雁，秋深则来，来则霜降，河北人谓之霜信。啼乌古有乌夜啼曲。象齿〔南州异物志〕象脱牙犹自爱惜，掘地藏之。人欲取，必作假牙代之，不令其见，见则后不藏故处。骊珠〔庄子〕河上翁有子，没渊得千金之珠，翁曰：此珠在骊龙颌下，子能得珠者，遭其睡耳；使寤，子尚奚有哉！

贤对圣，智对愚。傅粉对施朱。名缰对利锁，挈榼对提壶。鸠哺子，燕调雏。石帐对郇厨。烟轻笼岸柳，风急撼庭梧。鸛眼一方端石砚，龙涎三炷博山垆。曲沼鱼多，可使渔人结网；平田兔少，漫劳耕者守株。榼音合。

缰所以络马者。榼酒樽。哺子〔尔雅〕鸠哺子，朝自上而下，暮自下而上也。调雏〔竹溪闲话〕燕雏将长，其母调之使飞。石帐〔晋

书〕石崇尝作锦丝步帐五十里。郇厨〔世说补〕唐韦陟封郇公，性好奢，厨中饮食错杂，人入其中，多饱饫而归。鸛眼〔砚谱〕端溪砚石有鸛鸛眼。龙涎〔香谱〕大食国出龙涎香。博山〔李白诗〕博山炉中沉香火结网〔董策〕临川羡鱼，不如退而结网。守株〔韩子〕宋耕者见兔走触田中株死，因释耕守株下，冀复得兔。

秦对赵，越对吴。钓客对耕夫。箕裘对杖履，杞梓对桑榆。天欲晓，日将晡。狡兔对妖狐。读书甘刺股，煮粥惜焚须。韩信武能平四海，左思文足赋三都。嘉遁幽人，适志竹篱茅舍；胜游公子，玩情柳陌花衢。

箕裘〔礼〕良治之子，必学为裘；良弓之子，必学为箕。箕，屈柳枝成箔也。晡日午也。刺股〔国策〕苏秦说秦不行，乃夜读书，欲睡，则引锥自刺其股，血流至足。焚须〔唐书〕李勣姊病，自为粥而焚其须。韩信〔汉书〕韩信佐高祖，平四海，定天下，封淮阴侯。左思〔晋书〕左思三都赋十年乃就，人争录之，洛阳纸贵。嘉遁〔易〕嘉遁贞吉。遁，隐处也。

八 齐

岩对岫，涧对溪。远岸对危堤。鹤长对凫短，水雁对山鸡。星拱北，月流西。汉露对汤霓。桃林牛已放，虞坂马长嘶。侄倒去官闻广受，弟兄让国有夷齐。三月春浓，芍药丛中蝴蝶舞；五更天晓，海棠枝上子规啼。

鹤长凫短〔庄子〕鹤胫虽长，断之则悲；凫胫虽短，续之则忧。汉

露〔汉书〕武帝造金茎玉盘以承露。**汤霓**成汤征伐天下，民望之若大旱之望云霓。**桃林**〔周书〕武王克商，归马华山之阳，放牛桃林之野。**虞坂**〔韩子〕骐驎困盐车，负而上虞坂，顾伯乐而长鸣，知其识己也。**去官**〔汉书〕疏广，字仲公，为太子太傅。兄子受为少傅。广谓受曰：知足不辱，知止不殆，功成身退，天之道也。上疏乞归田。**让国**〔史记〕伯夷、叔齐，孤竹君之二子。父欲立叔齐，及父卒，叔齐让伯夷，伯夷曰：父命也，遂逃去。**子规**杜鹃也。

云对雨，水对泥。白璧对玄圭。献瓜对投李，禁鼓对征鼙。徐稚榻，鲁班梯。凤翥对鸾栖。有官清似水，无客醉如泥。截发惟闻陶侃母，断机只有乐羊妻。秋望佳人，目送楼头千里雁；早行远客，梦惊枕上五更鸡。鼙音皮。

白璧〔国策〕苏秦说赵王，大说。白璧百双，黄金万镒，以随其后。**玄圭**〔禹贡〕禹锡玄圭，告厥成功。**献瓜**〔韵府〕唐德宗时，有献瓜果欲授官者。**投李**〔诗〕投我以木李。**鼙战鼓**。**徐榻**〔后汉书〕陈蕃为豫章太守，惟徐稚来特设一榻，去即悬之。**班梯**〔备考〕公输子名班，又名般，鲁之巧人也。尝为楚造云梯以攻宋。**清似水**〔郑崇传〕臣心如水。**醉如泥**〔李诗〕笑杀山翁醉似泥。或云：泥，虫名。**截发**〔晋书〕范逵过陶侃家，无以待宾。母曰：汝留客，我自有计。乃截发易酒肴。**断机**〔史记〕周乐羊子游学，一年来归，妻因断机曰：君之废学有如此。羊子感悟，卒为名儒。

熊对虎，象对犀。霹雳对虹霓。杜鹃对孔雀，桂岭对梅溪。萧史凤，宋宗鸡。远浦对高低。水寒鱼不跃，林茂鸟频栖。杨柳青青江浦县，桃花流水武陵溪。公子追欢，闲骤玉骢游